



Aqqalu C. Jerimiassen

UPA 2022/11

Atassut

30. Maj 2022

2021-mut Nunatta Karsiata naatsorsuutaasa akuersissutigineqarnissaannik siunnersuut.

(Aningaasaqarnermut Naligiissitaanermullu Naalakkersuisoq)

Ukiut siuliini Atassummi oqartareernitsituut maanna oqaqqiinnassuugut, aningaasaq avataanit pilersissavarput innutaasut akileraartartut kaasarfiiniunngitsoq.

Maannalu nunatta karsiata naatsorsuutaasa qimerluualaarnerini imatorsuaq nutaarsiassaqaqarsorinarsinnaangikkaluartoq, eqqumaffigineqartariaqartullu arlallit siuliatigut taasarsimasagut uteqattaqqippallaangikkaluarlugit, imannak oqariartuuteqarsinnaavugut.

Ukiuni arlalinni Tunngaviusumik inatsisissamut isumalioqatigiisitaq pilersinneqarnerminiilli aningaasarpassuarnik agguaavigineqareersimalerpoq, qupperli ataaserluunniit suli allanneqarsimannngitsutut isikkoqarluni. Tupigusuutigineqarsimannngilaq ukiorpanni taamarujussuaq aningaasartuutaasimasoq, angusanillu sunilluunniit takutitsinnngivissortoq naalakkersuisuniit paamaarunneqaannarmat, taamaattussaannartullu ingerlanninarneqaannarluni.

Uani akileraartartut aningaasaataat eqqartorpagut, eqqartukkagullu tassani sumuungaluarnersoq atorineqarsimasorpasuit inuiaqatigiit ulluinnarni atugaannut pitsanngorsaannermut atorineqarsimasuuppata angusaq kusanarnerungaarsimasinnaangaluarmat. Puisi A/S eqqaamajunnarsivarput tamatta, tassani aningaasarpasuit asuliinnarneqarmata nunarput tamarmi sajuppillippoq, annertuumillu naalakkersuinikkut eqqartuisoqarluni pisoq eqqarsaatingalugu. Maannali pisoq, isumalioqatigiisitap ukiorpanni taamannak ingerlaareerluni sumilluunniit angusaqarani akileraartartut aningaasaataanik atuereerluni matuinnarniarneqartussatut inissikkaluttuarnera Atassummiit mianernartuutippaput.

Innuttaasut tamaasa ammasumik nassuiaanneqarniarlik! Aningaasarpasuit angusaqaataanatik tammaannarsimasut inuiaqatigiinnut erseqqissumik isertuunniarunnaarlugit nalunaarutigineqarniarlik!

Naalakkersuisorisarsimasagut kr.5.000-it pillugit tunuartinneqartarnikuuppata kr.40mio. tungaanut nalillit aamma eqqartorsinnaasariaqassapput, akisussaaffimmimmi qimarratiginnittoqarsinnaangilaq.

Taamatut Atassummiit oqaaseqarluta Kukkunersiuinermut ataatsimiitsitaliaq sulilluarnissaanik kissaapparput.